

اِسْتِغْنَا

نومرو ۱۹

بجانبہ

۲۱ کانون ثانی ۱۳۲۴

کله چک مقاله مزده اشبو ۱۱۵۳ قایتولاسیونی حقننده بعض مطالعات متممه
ایرادندن سوکره سکرینجی قایتولاسیون عداولنان ۱۸۰۲ معاهده سنک تدقیقانه
کیریشه چکزر .

ابن الضیا

مجلس مبعوثان مذاکرانی

۱

هیئت اداره سابقه ارکانک محاکمه سنه دایر بعض مطالعات

قایتنه نک بیانندن صکره مجلس مبعوثانده جریان ایدن مذاکرانک اهمیت
اداره مستبد وکلا و متغلبینی حقننده اجرا ایدیله چک تعقیبات قانونیه به متدأرایدی .
بو مسئله حد ذاتنده قاریشیق و تفرعاتی چوق اولدیغندن انسای مذاکرانده
بیان رأی ایدنلردن هربری بر نقطه نظر دن، بر جهتن مطالعه و محاکمه ایتمشلردر .
بونده توسل اولنه حق طرق قانونیه نی تعیین ایده بیلیمک ایچون اولاد اداره سابقه
هیئت مسئول ایدلملیدر . اسباب مسئولیت نه در؟ فصل تعیین، نه درجه لر قدر
توسیع و تعمیم ایدیله چکدر . اسناد اولنان نوع جرایم اعتباریله قوانین موجوده
قابل تطبیق و کافیمیدر؟ بو جهتلر تدقیق اولنق لازمدر .

مسئولیتک وجودنده هیئت کرام اتفاق ایتمشدر . مجموع آرا خلاصه ایدیلورسه
بر قسمی قوانین موجوده ایله بر قسمیده مسئله نک خصوصیت و تفرعاتنه نظراً
جرایم عادیله مابه التطبیق اولان قوانین و قواعددن استثنای ایدیلرک بر قانون
مخصوصله حل و فصل ایدلمسی طرفداریدر . شو صروده کیفیت برانجمن مخصوصده
دردست تدقیقدر .

مسلمدرکه اداره سابقه وکلا و رجال حکومتی اداره مستبد و مطلقه
مأمورلری اولدقلرندن طولانی دوچار مواخذ و جزا اولمازلر فی الحقیقه حکومت
عثمانیه نک مشروطیت اداره سی قانون اساسی ایله تأمین ایدلدکن صکره

اوتوز اوج سنه اول تعطيله اوغرا دلمش و ملتك حقوق نزع ايدلمش ايسه ده
 اداره مطلقه يني عودت ايتديرن وكلا بوكون موجود اولماق له برابر بونك اسباب
 و مؤثرات حقيقه سنك بر ردای مظلم آلتده مستور قاله جنف محققد ر. آنجق
 حكومتك شكل اداره سي نه اولور سه اولسون دولتك وظيفه اصليه سي محافظه
 وطن و توزيع عدالت قضيه مهمه سي اولديغندن بونك حارس و نگهبانی اولانلرك
 اهانت و حقوق افرا ده تعرض و تعديلری هر زمان كه آغير جزای استلزام ايتمشدر
 قانون اساسيك تعطيله برابر ارباب حيت و اقتدار برر برر رأس اموردن تبعيد
 و خدمات عموميه نااهل لره توديع اولنه رق هيئت اداره تدريجاً بر شركت تجار به
 حاله كتورلمش جسم دوات خارجاً ضايعات و تدنيات عظيمه به دوجار اولمش
 داخل كیف و تقاب حكما فرما اوله رق افراد ملت هر درلو عقاب، واشكنجه لره،
 جريحه لره محكوم ايدلمشدر بو جهت لره رجال و هيئت اداره سابقه ملاحظه اقبال
 و منفعت له وطنه اهانت و اجرات رسميه ده قانون و نظامك خلافنده حركت و افراد
 حقنده كونا كون تجاوز ايقاع ايتمشدر كه بونلرك برنجيسي جرم سياسي ايكنجيسي حقوق
 شخصيه يي متضمن و صفت مأموريتدن منبعث اولان جرايم اوجنجيسي جرايم
 عادي ده در اسباب و انواعي ذكر و تعيين ايديلان جرايمك دلائل و اسباب اتهاميه سي
 يك قاريشيق و متشتندر. امور و اجرات متسلسل و يكديكري نه غير قابل انفكاك
 و وابطله متعلق اولديغندن تدريجاً دولتك بو درجه اضمحلاله كلي اسبابي
 تعيين ايچون ابتداسنه، برماضي بعیده قدر انفاذ نظر ايلمك لازمدر. جزئیات
 و تفرعاتدن صرف نظر اولنديغنی تقديرده دولتك اوتوز سنه ظرفنده نفوذ
 و حثیتی منکسر اولمش بلفارستانك روم ايلي شرقی ولايتنه تخطیسی امر واقع
 صورتنده قبول ايدلمش. احراز غلبه ايتمش اولديغمز حاله كريد دول معظمه نك
 وصايت و حمايتنه و يرلمش حقوق حكمرانی و استقلال ملي به مغاير اوله رق روم ايلي
 ولايتنده دولتلرك حق مراقبه و تفتيشي قبول، سفان بحريه سنه لره خليجده
 موت و عطالته محكوم، اردو و ضابطانك تعليم و تربيه سي اهاال ايدلمش اداره
 ولايات مختل اولمش و اليكار منتسبينه توجه اولنيس منافع ملك و ملت مغاير
 - استشاره -

امتیازات ویرایش آغیر شرطلره استقراضلر عقد ارنش . بو بی نه یاه سیئت واهانات نه کبی اسباب و مؤثرات ایله وجوده کلمشدر؟ بونلر بر جرم سیاسیدر . مختلف زمانده بشقه بشقه کسملرک زمان مأموریتده حاصل اولمشدر . آنک ایچون مسئولیتی بر قسم قلیله توجیه ایتک ممکن دکلدرد . آز چوق فرقلره هپسی علاقه داردر . مسئله اولاً بوراده بر خصوصیت پیدا ایدیور .

بوندن بشقه هر کون قوانین و نظامات نامیله برخیلی مجلدات نشر ارنلندی حالده مفردات امورده تطبیق اولندیغی واقع دکلدرد . مثلاً مصارف دولتک صورت اجرایی حقنده نظامنامه وار ایدی . صرفیات کیف مایشاً جریان ایدر ایدی . ضابطه نك وظائفی معین ایدی . هر کون بلا سبب نیجه کیمسملر نفی و تغریب اولنور ایدی . جرائم عایدده عدلیه نك صلاحیتی معین ایدی . جرم مشهود ایله مظلون اولنلرک محاکمه سی تعطیل و کندیلمی تخلیه اولنوردی . بعضاًده جرم ایقاع ایدیلمور عدلیه ، ضابطه مداخله ایدمه مازدی . صوکره منبع اقتدار اولان اغزلردن کبی اوله رق صدور ایدن بو قانون شکنانه امرلر مافوقدن مادونه علی الدرجات کتبه اقلامه و ضبطیه تقرینه قدر جمله سی طرفندن بر مطاوعت کامله ایله انفاذ اولوردی . ولایاتدهده عینی حال جریان ایدردی . شمدی بتون اجرائی قانونسزلردن عبارت اولان بوهیئت اداره باشند آشاغی مشول ایدیله جکمی؟ مثلاً بوندن اوچ سنه اول واقع اولان جرم حقنده مجرمک شخصی اعتباریله کنیدیسی حقنده موجب فلاکت اوله جغنی تیقن ایلدیکندن طولانی قانوناً مجبور اولدیغی نقصاندن صرف نظر ایدن بر حقوق عمومیه مأموری ، بر مدعی عمومی ، بر ضابطه مأموری آمرندن آلدینی امر اوزرینه فوق النظام صرفیاتی قبول و اجرا ایدن بر مالیه مأموری مواخذه ایدیله جکمی؟

خصوصی و مستثنای بر جهت دهه .

برده سو اداره نك موجد و مسبدلیزی و سبب بقالری اولدقلری حالده برکونا صفت رسمیه و صلاحیت قانونیه لری اولمیانلر بشقه بر جهت استثنای تشکیل ایدرلر . تفصیلات معروضه ایله اثبات اولندیغنه نظراً قوانین موجوده نك دائرة

شمول واحاطه سندہ اولیان جرایم و مجرمین وارد رہے۔ اگر ہو قانونلر دائرہ سندہ حل مسئلہ ایدنک لازم کلورسہ وکلایق صنفندہ اولنلر دیوان عالیہ دیکرلری محاکم عمومیہ ده محاکمہ اولنہ جقدہر۔ خصوصیت احوالہ نظرأ قابل تجویز اولماقلہ برابر قبول ایدلسہ بیلہ ہو قانونلر دہہ تعدیلات اجرایی لازم کلور چونکہ اولاً قوانین جزائیہ ہیئت عمومیہ سی اعتباریلہ حق و عدل حکمفرما اولدینی بر زمانہ بونک خلافتدہ منفردأ ایقاع ایدیلاں جرایمہ مخصوص اولہرق وضع و تدوین اولمشدر۔ حالبوکہ جرائم مذکورہ بواحوال و شرائط دائرہ سندہ دکلدر همان بتون احکام قانونیہ نک تعطیلنہ مساوی بر سلسلہ اسباب و مؤثرات آرہ سندہ وجود بولمشدر۔ بونک حدودینی تعیین ایتک لازمدرکہ اودہ مقصود اولان قانونسزلنی احداث و ادامہ یہ خدمت ایدنلرک واختلاس وسائر صورتلرلہ دولتی مادہ اضرار ایدنلرک دوچار جزا اولملریدر۔

ثانیاً مأمورینک محاکمہ سی اول امرده مرجع مخصوصندن تحقیقات اولیہ اجراییلہ محکمہ یہ سوق اولنسنہ وابستہ در۔ ہو سبیلہ بر مأمورک اجراء رسمیسندن شخصأ متضرر اولنلر اقامہ دعویہ مشکلاتہ معروضدرلر۔

ثالثاً اصل جالب دقت اولانیدہ بودر۔ اگر ایکنجی سبب بر طرف ایدیلوبدہ مأمورین حقندہ طوغریدن طوغری یہ اقامہ دعوی صلاحیتی بخش ایدیلبورسہ بونک فصل بر هرج و مرج اداره یہ بدل اولدینی جزوی ملاحظہ ایلہ اکلاشیلور ہو حال وسیلہ تزویرات اولہرق حقلی حقسنراقامہ ایدیلاں دعوالرلہ بتون اصلاحات دورر۔ بر دفعہ اون بش سنہ اولکی حسابلراور تہ یہ قونلیدی ایشک ایچندن چیقق ممکن اولہماز۔

ایشته ہو سبیلردن ناشی عمومی بر تصفیہ حساب لازمدر۔ افعال و اجراییلہ مستثنا بر موقعدہ بولان ہیئت اداره سابقہ منفسخہ نک آنجق خصوصی بقانون تنظیمیلہ قطع حسابی ممکندر۔ عدالت قابل تجزی اولمدیغندن ہرہانکی بر ہیئت حاکمہ عادلہ حضورندہ فصل دعوی ممکندر۔ آنجق قانوناً وکلانک محاکمہ سی دیوان عالی یہ عائد اولدینی کی دعواہ مظنون اولنلر افراد معینہ اولیوب رجال

حکومتدن متشکل بر شخصیت معنویه دن عبارت اولدیغندن فرعک اصله تبعی و اجتماع و اشتراك جرایم قاعده سنه توفیقاً دیوان عالی مذکورک فوق العاده اوله رق شکل و رؤیت اتمسی موافق مصلحت در ماده متضرر اولان افرادده محاکم عمومیه به مراجعته استیفای حقوق ایلملیدر.

نوری

مسئله شرقیه

۲

اسباب و منابع قدیمه

شکل حاضری اعتباریه شرق مسئله سنک اساسی آرامق ایچون اون یدنجی عصر میلادینک اواخری ایله اون سکزنجی عصرک اوائلنه ارجاع نظر ایلمک لازمدر. ویانه محاصره سنک رفعدن صکره کچن زمان ایله ۱۶۹۹ده عقدایدیلان قارلوخه معاهده سی و ۱۷۱۸ پساروخه معاهده سنندن اعتبار ایلمک ضروریدر. ویانه محاصره سیله آوروپای وسطایی و جنوبی ایتالیایی تهدید آلتنده بولندرمقه موفق اولان عثمانیلرک نجم طالعی ارتق بوتاریخدن اعتباراً ایلک دفعه اولمق اوزره دوچار خسوف اولمغه باشلامشدی. ۱۶۸۳ده ویانه عثمانیلر طرفدن صوکه دفعه وقوعبولان محاصره دن «زان صوبیه سکی» نك مداخله قهرمانه سیله قورتولمشدی. ایرته سی سنه لهستان، آوستریا ایمپراطوری، روسیه و ایتالیا، عثمانلیر عابنه اتفاق ایلمشلر ایدی. بوهیت اتفاقیه هرطرفدن هجوم ایدرک عثمانیلری مغلوبیت متوالیه دوچار ایدیوردولت عثمانیه نك کسر نفوذینه دامن درمیان غیرت اولیوردی. ارتق بوتاریخدن اعتباراً صلیبک نه یولده هلالی اوروپادن چیقارمسی مسئله سی موضوع بحث اولمیوب بالعکس دولت عثمانیه نك اسباب انقراضی تمبه ایدیلرک تقسیم اراضیسی کمال اهمیته دوشونلمکه باشلامشدی. آوستریا، کندیسنده بوخصوصده دیگر حکومانه قارشو برحق ریحان کورمکدن چکنمیوردی.